

HUNSRİK 958 – 16/12/2012

Haloo, hier is Solange Hamester Johann, fom Proyëkt Hunsrik.

WAYNACHTS

KEPEET:

Hër, ich wolt,
am WAYNACHTS FËST,
en paam in mayn hërts uf xtële,
un too traan hënge, anxtat kexënke,
ti naame fon mayn kanse froynte.
Ti froynte fon waytem un tii fon ticht;
Ti alte un ti woo ich fer khortsem kekhënt hon;
Ti woo ich yeete taach siin un ti woo ich sëlte mool pekeechne;
Ti woo ich imer traan tënke un ti woo manich mool ferkës wëre;
Ti woo konstant sin un ti woo ploos als mool pay mich sin;
Ti fon te xweeriche xtune un ti fon te luxtiche xtune;
Ti woo ich, oone wole, wee ketuun hon ore,
Ti woo, oone wole, mich wee ketuun hon;
Tii woo ich tiif khëne un tii woo ich ploos wees wii se aus siin;
Ti woo weenich mich xultich sin un tii woo **ich** fiil xultich sin;
Mayn kleene froynte un mayn importante froynte;
Ti naame fon te kanse layt woo xon torich mayn leewe kang sin.
En paam mit kans tiife wortsle,
tas tène sayn naame nii mee aus mayn hërts keropt khëne këwe;
Mit aariche lange ëxt, tas naye naame, fon ale sayte,
tepay kehonk këwe khëne;
Mit en aariche kefëliche xate,
tas unser froyntxaft en ruu momënt sin sol in te khëmfe fom leewe;
Tas ti WAYNACHTE leewent playpt
in yeete taach fom Nay Yoer woo anfängt,
tas ti lichter un ti farwe fom leewe imer tepay playwe
in unser kans eksistëns un tas se unser kanse wile konkretiseere,
mit Hërkots hilef.
FREELICHE WAYNACHTE un
Xeene kruus aus Thee Walt.